

小倉山房詩文集

冊一

中國三民主義文庫

■

小倉山房詩集卷七

庚午辛未

錢唐袁枚子才

輓副憲趙學齋先生

名大鯨
杭州人

日斜庚子歲忽忽星隕湖山半夜風直道一生形顧影文章四海水朝東烏臺人去黃封在紫府仙歸絳帳空爭奈九原難瞑目庭萱百歲淚猶紅

手把山陽笛一枝素車入哭酒盈卮還家已在聞哀後知己終思未遇時老屋

半間無宿草招魂滿壁有殘詩滄桑細與郎君說涼雨黃昏鬢欲絲

枚送王卿
華詩一聯

云風懷似我能憐我客路
逢君又別君公逢人誦之

慰廣文虞東臯以老被劾

從古廣文先生官不飽鎮日盤堆首藉草先生時愁首藉清首藉還嫌先生老先生獵纓而坐嘆且吁將使搏熊逐麋鬪力乎若然甚矣吾衰也否則伏生轅固方登車我道君毋憂麥禾各有秋君不見迦陵宰相公同年身拖紫綬歸黃泉又不見孟亭太守公同官方挂角巾尋古歡貴者先亡賤者在閒中歲月君

須愛種成桃李滿人間收得桑榆歸物外先生聞之大喜酣千鍾自署城南老
禿翁放手劃成岫嶁字開懷吹出黃農風忽聞天子南巡詔白頭又照烟波笑
想作飛熊學太公廣張三千六百鈞

先生將
獻詩

題張憶娘簪花圖

并序

康熙初蘇州倡張憶娘色藝冠時好事者蔣繡谷爲寫簪花圖一時名
宿尤西堂汪退谷惠紅豆諸公題緘繡裙褶幾滿亡何圖被盜迹之在
揚州巨賈家繡谷子盤猗以他畫贖還余至蘇州事隔五十餘年開卷
如生惜無留墨處矣爲五絕署之紙尾

百首詩題張憶娘古人比我更清狂青衫紅袖都零落但見真珠字數行
五十年前舊舞衣丹青留住彩雲飛開圖且自簪花笑不管人間萬事非
想見風華一坐傾清絲流管唱新聲國初諸老鍾情甚袖角裙邊半姓名
身後揚州又往還芳魂應唱念家山蘭亭肯換崔徽畫贖得文姬返漢關
當日開元全盛時三千宮女教坊司繁華逝水春無恨只恨遲生杜牧之

姑蘇臥病

一床高臥闔閭城五月黃梅聽雨聲
楚客心孤應有病吳宮人住豈無情
風多樹影當窗弄夜短燈花到曉明
肯放襟懷肯行樂中年已見雪千莖

病中謝薛一瓢

先生七十顏沃若日剪青松調白鶴
開口便成天上書下手不用人間藥
口嚼紅霞學輕舉興來筆落如風雨
枕祕高呼黃石公劍光飛上白猿女
年年賣藥厭韓康老得青山一畝莊
白版數行辭官府赤脚騎鯨下大荒
故人忽罹二豎災水火欲殺商邱開
先生笑謂雙麻鞋爲他破例入城來
十指據床扶我起投以木瓜而已矣

命以木瓜代茶

嚥下輕甌夢似雲覺來兩眼清如水
先生大笑出門語君病旣除吾亦去

一船明月一釣竿明日烟波不知處

謝吳令魏濬川問病

故人旌節駐三吳肯辱高軒爲病夫
隔歲雲泥分吏隱對床心跡共江湖
鴻飛碧海烟波淡雨過黃梅木葉麤
更有閒情談玉石問君曾得水蒼無

老將行

黑貂將軍騎白馬年年獨獵陰山下拔劍時同霹靂爭揮鞭慣把旋風打手中
闌地一千里麾下偏裨半金紫刮骨堂前召伎歌論功殿上揮拳起酒氣時熏
甲帳中名王擒出烟塵裏于今蕭蕭兩鬢霜日餌雲母彈清商朝廷數遣問邊
事素書幾卷存金箱朝聽禪白社暮種瓜青門圖形不去涅面痕血甲血裳示
子孫

已涼

已涼天氣病初消小市長陵宛轉橋裝罷金星風送月魚山神女降弦超
旗亭畫壁唱新詩重託王昌寄柳枝滿架豆棚秋有露藕花風裏說相思
官奴未敢呼卿字團扇終須記曲名聽說張星天上住七條絃上鳳凰聲

臨行

臨行偏唱惱儂歌惹得檀郎臉亦波爲費黃金還費淚喫虛無奈是情何

橫塘懷古

橫塘花落吳宮晚西施心痛紅顏損身受吳恩報越仇憐渠春夢如何穩韓王
進美人疏秦乃益彰西施情脈脈或者爲同鄉子胥白頭諫刺刺吳王英雄笑
不荅抱著西施更練甲苧蘿村飲合歡杯越王顏色如死灰

迎鑾應制

一曲南風入舜琴百年重見翠華臨得瞻雲日蒼生福欲問桑麻

聖主心鹵簿不嫌吳市小恩波原共越江深微臣曾作中牟令聯袂應歌于
薦吟

鳳輦親扶

聖母慈金根紫闥耀坤儀承歡須得江山助教孝行看士女知錫類高年加粟
帛采風南國補笙詩宸遊五載虞廷例只恐民間尙道遲

黃河堤上簇金鞍玉滿羣山雪未乾日馭豈辭千里照天容原許萬人看梅花
不落紅雲護春水方生御舫寬野麥青青蠶蜿蜒愛從此處問艱難

聽說

珍做宋版印
先皇駕六巡迎 鑾還有白頭民松雲不改堯心舊河海重看禹力新慮損田禾行緩緩怕傷物力 詔頻頻瓊林烟雨瑤池水流到江南總是春

自杭州赴蘇泊船平望曉起望雪

一夜白如此小舟猶未行野飛花不斷春在樹無聲山影依天盡沙光射牖明是誰掃篷背冰玉響琮琤

阻風五日

雪似蠻溪鳶鳥墮船如西域買胡留篙工半老更加懶遊子不眠時復愁人裏絮綿走荆棘天將玉戲留孤舟古杭距蘇三百里肯信我行五日不

寓目卽書

江村白沙明月中一个鷺鷥一釣翁鷺鷥銜魚忽飛去釣翁猶立釣魚處堅冰不堅寒氣斂客子未眠常倚檻北斗愁人不識春柄在東方如指點

宋逸俊秀才宮門待漏圖

不畫青衿畫絳袍春明門外馬蹄驕平生芳草思君意讀到唐詩愛早朝

兩兩紅燈宛宛垂
奚僮擎出影
葳蕤朝班不敘
家人禮
小宋先行
大宋隨

秀才
第軼

材官
侍講

似我烟波一葉輕
八年無夢入京城
曉風殘雪天街鼓
此味前生記得清

嘲月

亭西親送好斜陽
又見秋蟾一片霜
何故極明終是夜
祇緣著物太清涼

棄婦辭爲王麓園作

膈膈膊膊雞尚棲
女兒欲去烏夜啼
井中瓶落無消息
藥店飛龍有是非
是非彼此憶疇昔
華山畿上雲陽客
玉藕絲多郎性情
菖蒲花香妾氣息
只道辰星抱萬年
此生不抱前魚泣
一年一年郎意變
變在郎心妾不見
銀漢猶橫白玉堂
秋風先到昭陽殿
郎君面上結春冰
妾欲爲雲雨不成
州吁自忘終風暴
簫史空呼引鳳聲
小姑在旁不解事
猶進胡琴勸同戲
直撲金盆水不收
方知玉顏成
永棄明年新人
爪不如郎知悔過
來挽車妾身依舊
無瑕玉可惜
郎成濁水魚

薛徵士一瓢招同許竹素汪山樵李克三葉定湖俞賦拙虞東臯集掃葉
莊各賦一詩

一瓢不飲好飲客糟邱高築蘇閨門七百斛秫麴了事三十六封書招人端午
後七日大開水南園坐中衣冠何偉然霜眉雪鬢堆璵璠彥先揮羽扇林宗墊
角巾王融作才語樂令能清言文史元儒張旗鼓詞波四起風軒軒癩本何妨
盛德事樂亦不憂兒輩聞疑是張樂洞庭野帝臺石上觴百神又疑雲仙傳真
誥靈簫墨會來紛紜誰知乃是高陽里中小集耳季和爲主太邱爲賓元方執
杖慈明捧尊膝上最小荀文若亦復秀眉長頰朱點脣一瓢外孫陸郎潛虬除手令括
頸無車輪但知文字飲各醉葡萄春共算坐中春秋七百二十有三歲早已上
壓中丞蘭臺聚下繼香山九老羣只愁太史多事作妄奏却喜此夕兩腳不斷
無星辰

詩成後自嫌曼衍別呈一律

來聽蕭寺黃梅兩半是開元白髮翁入座耆英先論齒捲簾山翠遠浮空虛堂

風大江聲近水面燈高塔影紅坐有洛陽年少客寸心傾盡酒杯中

楊枝十六韻

楊枝一朝別琴客半年偕鏡檻香猶在妝臺粉未揩靡蕪生去路梅雨滴空階
追憶塵宵日難忘小市街娉嫖扶彩伴珍髥索嫩娃子貢三挑苦丁娘十索佳
黃金虛牝擲白璧大庭埋不料驚鴻態都成嚼蠟懷愠羝時有避梯几坐難挨
笑淺知情薄燈涼使夢乖妾生韓女病郎伴太常齋速贈拋家髻看飛却月釵
行雲原渺渺歸鳥自啾啾一曲懷離賦餘情未有涯

泊舟平望偕齊次風宗伯周蘭坡學士訪玉川居士

輕帆爲我慰離羣得見梅花又見君三徑苔痕藏草屋一湖水氣濕春雲風停
篆影微微直雨歇鶯聲漸漸聞彈指來遊剛十載當筵莫惜酒杯醺

青山莊

張叔度方伯園
名家已籍沒

笙歌聲斷水雲寒草草亡家瞑目難我與主人曾有舊青山不忍上樓看

徐題客穿雲沽酒圖

玉貌仙人衣帶斜，瓢邊橫插兩枝花。
穿雲何事頻來去，天上嫌無賣酒家。

七月二十日夜

寒風蕭蕭打窗急，半夜書翻床脚濕。
直疑天壓銀河奔，又恐地動海潮入。
披衫開門欲喚人，一峯瘦影燈前立。

題蔣盤漪詩冊

并序

盤漪書法冠時，索婦于閨門，白蓮橋號定審，觀音亦知書工楷法，有買胡挾重價，簞之姬，矢志歸蔣，諸名士艷其事，贈詩如梵夾，余至蘇州事已三稔，慕蔣之能得人也，臨行歌一詩以別蔣。

袁子買舟渡江去，蔣郎持冊索詩句。
冊中名士寫名姬，是儂不可無詩處。
聞道姑蘇有麗卿，蕙心蘭質擅傾城。
能空冀北真無匹，纔讀周南便有情。
蔣郎沉醉酒家胡，信託黃姑問紫姑。
玉杵暫迷三里霧，綠窗遙睇十眉圖。
子南超乘先相見，十丈紅絲親引線。
宋玉牆頭柳眼青，文君曲裏琴心變。
妾解簪花愛墨莊，郎能提筆寫鍾王。
定情不用黃金合，彼此鴛鴦字一行。
微波通後靈犀動，錦字分

明書鄭重昌谷常歌泥憶雲相如莫笑鳳求鳳智尼將嫁蔡興宗師伯呼車故
惱公香粉樓高千蝶撼琅玕紙好萬蠅攻娟娟此豸坐臯臺笑說湖陽事不諧
梵蓮豈肯隨波去仙杏終須傍日栽一曲清簫吹鳳至滿城紅葉送詩來紛紛
吳市傳佳話留髡席上金釵挂買繡爭將公子描熏香共把觀音畫十里桃花
塢最深年年不斷是春陰金環照骨同磨墨玉井敲冰共撫琴不虛漢水三挑
約償盡柴桑十願心婁羅歷寫綢繆記在萼光陰二十四兒女成行金屋中路
人還說初婚事阿侯抱出類芙蓉莫愁顏色知相似笑儂歲歲拗花看暈碧裁
紅夢轉闌王侯將相成功易名士傾城遇合難輕舟明日趁春潮腸轉車輪酒
未消極目苧蘿村在望夕陽愁過白蓮橋

道
閏五月二十八日買舟渡江吳下主人沈雲卓江雨峯招兩歌郎爲余祖

主人情重酒杯輕親把檀槽唱渭城世上別來知聚好尊前歡盡卽悲生兩株
瓊樹隨風散五月江帆冒熱行回首桂林書舍裏闌干空照露華明

雜詩八首

咸陽赤帝子商山白髮翁千秋俱有名兩人道不同當時頑鈍士貪立尺寸功
發縱爲鷹犬忍辱相追從一旦大事定烏盡無遺弓須知殺人機卽在嫚罵中
韓彭終不悟畢竟非英雄旁有四老人長嘯看青穹黃金四萬斤列爵封上公
箕踞以相奉棄之如蒿蓬有時爲漢來龍見未央宮有時捨漢去鶴飛大海空
炎漢有興衰白雲無始終

韓信再入朝噲等俱公侯鬱鬱未一年噲貴信且囚使信向噲拜噲寧知恥不
微生畝何物高坐呼孔邱丈夫重意氣力欲爭上流偶然停倦足一落千丈溝
天命自有權此處非人謀朝廷兩三級挽以十萬牛雖有飛雲足不如乘風舟
中流偶失船一壺千金酬此意不能達皇天如冤仇所以張子房寧與赤松遊
天地有春秋來往不能了不爲拘者多不爲達者少達者貴行樂行樂還須早
使我明日飢我已今日飽使我明年死我已今年好不得行胸臆頭白亦爲天
苟得快須臾童殤固已老

入山愁我貧出山愁我身我貧猶自可所愁戚與親我身猶自可所愁吏與民
出處難自擇請以詢家人父母聞作官勸行語諄諄妻妾聞作官膏我新車輪
僮僕聞作官執鞭追後塵我意獨不然亦非慕隱淪朝來見縣令三十鬚如銀
勞苦未得息大吏猶怒嗔況我挂其冠此骨已峻峭從前後行船已據要路津
而我復重來相見殊逡巡所恨年齒少衆論猶紛紛婦少難守節日長難關門
掩耳且捉鼻痛飲求昏昏

幼年負奇氣開口談兵書擇官必將相致身須唐虞十二舉茂才立志何狂愚
二十薦鴻詞高步翔天衢廿四入詞林腰帶弄銀魚八載謫江南手板學奔趨
再擢刺史官勳格相齟齬一旦洒然悟萬念都捐除高蹈隋家園甘心漁樵徒
琳琅羅萬帙桃李栽千株當軒陳古鼎隨手摩璠璣挂冠三十三不肯遲須臾
民吏或留之長行絕衣裾一變至於此是誠何心歟方春行秋令賢聖爲狂且
旁觀俱咄咄自笑亦渠渠不知千載後謂我爲何如

漢代有朱邑授官於桐鄉懷抱長者心視民常如傷春時巡隴畝夏日勸耕桑

斑白不負戴歌者日相望叢爾小邑中結構一虞唐入爲大司農惻然猶不忘
謂我子孫祭不如彼一方其時有汲黯亦復稱循良考其報最績偃然臥在牀
卓哉兩君子身尊道彌光古今人不及請以古較量同促轅下駒古人無今忙
長揖大將軍今人無古狂古人重撫綏今人重趨蹌今吏如牛馬古吏如鸞鳳
異官不異民蒼生受其殃三復循吏傳使我涕沾裳

我愛薛徵士長吟號一瓢重鑄瘞鶴銘更作安龜巢玉骨一把瘦素書三千挑
孤鳳翔青天世人不敢招平生不負人只負青龍刀神駿今老矣聞戰猶咆哮
願子采靈藥勿憚大海遙從來英雄人往往淩丹霄狼籍青精飯留以贈知交
我愛許子遜巍然一碩果此時橘中仙當日民之爹唐朝顯慶車晉代洛陽火
古色最斑爛深情笑言瑤縱論至於詩唐後無一出其所著作使我袒亦左
非隨少陵遊卽入青蓮坐字挾華星飛筆落雲霞裏百怪雖妖浮萬象仍帖妥
平生枚自矜于此亦云頗忽然見夫君人間有二我可惜七旬餘髮白貧無那
無力飲酒泉只願吟飯顆雖非子夏盲已類鑿齒跛絃絕琴臺涼客少花關鎖

遙想竹素軒籬菊黃幾朵

月下彈琴

明月照青琴嫦娥似解音請彈流水曲遙答廣寒心孤鳳語烟際清商飛遠林
惟愁七絃絕不覺五更深

偶成

自得隨園戶懶開三年車馬長莓苔謝安尚有東山夢江左空懷管子才秋氣
漸催雙鬢改夕陽親送六朝來征鴻心事無人識飛去長天首不回

寄魚門

江南江北路迢遙同是門前水一條一日兩家流得到如何人不似春潮

南樓觀雨歌

六月午後風怒號白日隱匿如遁逃墨雲一角鍾山坳忽然長幔將天包昏昏
之中萬手招雨脚尚在西南郊我登南樓梧桐梢放眼看盡青天潮欲來不來
聲咆哮破窗先有陰風敲白羽大箭天上飄小枝雜下聲刁騷飛鳶跼跼立不